

erat templum. Non [enim] auri et argenti metallo sed virtutibus animi et donis [Sancti] Spiritus radiabat : habebat enim arcam intra se et duo Cherubim, id est fidem Patris et Filii et Sancti Spiritus sitam sed nunc nihil 30 horum est : ablata sunt cuncta haec ab anima tua, nudata est omnibus ornamenti suis, cunctisque quae divinitus consecuta fuerat muneribus spoliata remansit deformis ac turpis, periit ab ea omne munimen omnisque custodia.

Non iam ostium in ea clauditur, non servantur ingressus sed patet omnibus malignis spiritibus ad corruptelam animae festinantibus, nulla inde turpis cogitatio, nulla cupiditas foeda repellitur sed si venerit fornicationis spiritus ingreditur, si iactantiae, si avaritiae et si horum nequiores et impuriores venerint, nemo prohibet, nemo propellit, nullus enim ei custos, nullus remansit aedituus. Nam prius sicut ad caeli secreta nullus huiusmodi malis indulgetur accessus, ita nec ad purissimam mentem tuam penetrare poterat ulla contagio. Sed fortasse incredibilia videar loqui apud eos praecipue qui 45 priora tua nesciunt sed hanc quae nunc est animae tuae destructionem vident. Inde utique est quod ego irremediabiliter plango, quia novi , et incessabiliter lugeo, dum recordor, usquequo iterum te repedare videam ad prioris gloriae statum : « quod etsi apud homines impossibile videtur, apud Deum tamen omnia possilia sunt. » Ipse est enim « qui allevat a terra inopem et de stercore erigit pauperem, ut collocet eum cum principibus, cum principibus populi sui. Ipse est qui sterilem facit in domo matrem super filios laetantem. » Non ergo dubites, neque